

DOCTORE MEDICO PRÆSIDE.

Est-ne soliûs Gustûs de alimentis ferre judicium?

I.

VITA non est caloris nativi in humido primigenio permanſio; nec illius extinctio, aut hujus marcor, mors. Vtriuſque incolumitate ſtat vita; alterutrius defectu planè definit: calor deficit repente à contrario; ſenſim, ſede ac fundamento inareſcente, quod aſſidue depaſcitur, nunc ocyùs, nunc tardiùs. Hinc ſtato ratoque annorum numero ſenectùs non definienda, quæ, cùm impediri nequeat, retardari poteſt (ut & fatum) convenienti ſex rerum non naturalium uſu, aëris imprimis ſalubris (per nares, non os) ſpiritu ducendi & alimenti cuique hominum naturæ & temperamento idonei; quibus triplicis ſubſtantia ſpirituofa, humidæ & ſolidæ fluor indefinens quovis tempore reſtauratur; uberius tamèn & felicius per ſomnum, quàm per vigiliam. Vt res utraque nobis ſemper præſtò ſit, ſapienter proſpexit natura, cùm nos infimæ regionis aëris (quatuor qualitatium primarum capaxis) fecit inquilinos, & nares ſemper patulas (in homine ſolo prominulas) ex cartilagine, non offe dumtaxat, contempit; ut ſi quid vitij in ipſo olfactus, vel ratio retexerit, manu altetutrà iis obturatis protinùs à nobis arceamus. Et ne alimenta uſquam deſint, tam multa, tam varia, tamque jucunda, in aëre, aquâ & terrâ, neque ea uno tempore anni, gignit, ut non immerito ambigi poſſit, num pari curâ delectationi ac ſaluti & neceſſitati noſtræ ſemper & ubique occurrere ſtudeat: Quibus promiſcuenè ne in pernecii noſtram, perinde ac ſanitatem abutamur, iudicio opus. Id ut

reſtum ſit, cognitione perſenſus hauſtâ niti debet, non quôſlibet, ſed quibus datum eſt eorum, quibus veſcitur, dotes & vires explorare, effectus experiri.

I I.

ALIMENTA, ex eorum genere quæ τὰ πρὸς τι dicuntur, res ſunt non naturales, ſubſtantiæ corporeæ, mixtæ, pluribus conſtantes ſubſtantiis ac partibus diſtinctis naturâ, ſubſtantiæ modo, qualitativis non uniûs generis, nonnunquàm inter ſe pugnantibus temperamento, ex quatum unoquoque unum emergit, quod totius compositi proprium eſt: hujus proprietates ut & formarum, jure vires occultæ perhibentur. Cum hac ſubſtantiarum diſcrepan- tia, qualitatum & temperamentorum diſſidio, ſtat tamèn ea cum corporis noſtri partibus ſimilitudo, quâ poſt multas mutationes in partium ſubſtantiâ facel- ſunt; in ſenibus, tantùm ut ſubſiſtant; in juvenibus, ut præterea incrementum capiant: tametſi annorum decuſu facultas auſtrix nuſquam intercitat. Quæ- cumque eas mutationes ſubeunt de alimentorum familiâ ſunt; conveniens iis adeſt cum calore noſtro nativo (non unico mutationum illarum authore) pro- portio, & cum corporis noſtri partibus ſubſtantiæ familiaritas (quam quibuſ- dam coſticio conciliat): hinc appetuntur, ut famem expleant, ſitum ſedent, vi- res roborent, & animam deficientem fulciant, priuſquam triplicis ſubſtantiæ perdiditæ jacturam reipſâ nullâ in corpore peregrinâ qualitate ſuperſtite reſar- ciant; in quibus alimentorum ratio poſita conſiſtit.

I I I.

RERV M ſubſtantiæ ſenſuum examen & cenſuram non ſubeunt, cognitio- nem noſtram effugiunt, niſi ſuis ipſæ ſe prodant qualitativis aut effectis: manifeſtatur, arbitri ſenſus; latentium, experienciâ duce ratio, inſida magis quàm brutarum animantium inſtinctus, non inſulſus virorum etiam doſtorum magiſter. Ad alimentorum dotes accuratiûs penitiûſque inveſtigandas non pro- vidam modò, verùm & ſagacem ſe præſtitit natura, cùm guſtum non unicum eorum judicio præfecit prætulitque, & viſum, odoratum atque tactum illi man- cipavit. Eamobrem ut oculi, ſic nares oris vicinitatem ſecutæ, cui labia tan- quam aſſectæ adjuncta, ne quid guſtatu tanquam principi cibi & potionis ju- dici offeratur, cujus viſus, odoratus & tactus periculum non fecerint & pro- baverint: hinc vinum fugiens ac jam vappam ſi viſus deprehenderit, & olfactus acorem (illius ἀπρόθυτον) contraxiſſe perſentitſcit, protinûs abjicimus, ut porè potui ineptum, guſtare cum ſaſtidio non dignati: Quæ ingerenda ſumuntur, ſi calore nimio, vel frigore, vel aſperitate labiis ſint inſenſa, è veſtigio, ut guſtui nocitura, repellimus. Is ore continetur & ad incolumitatis cuſtodiam aptè, & ad uſum ac munus ſuum obeundum: ejus ſedes non unica eſt; organum præci- puum, (non in omnibus animalibus) lingua; vel potiûs ejus tunica mollis, te- nuis, poroſa, ſpiritu innato partim aqueo, partim terreſtri, & influente ejuſ- dem indolis perſuſa; objectum, ſapor; medium, humor, non quilibet, ſed or- gano & objecto cognatus: Hunc, niſi alimentum contineat, ſuppeditat lingua ſibi inexiſtente, aut â vicinis partibus mutuatum, nec nimîâ copiâ, nec alienâ qualitate donatum. Id ſi durum & concretum, ſimul ac admovetur; frigore quidem ſuo, aut duritie tactum movet; non ante guſtum, quàm â linguâ ſalivâ irrigatum, aut illius calore liquefactum ac dilapſum diſfundatur: Si durum nec

liquari possit, dentibus (sensu præditis, & quovis alio osse durioribus) incidendum, atterendum, lavigandum, liquore salivali undiquaque perfundendum, priusquam sapores substantiis variis, ex quibus coaluit, insidentes gustum afficiant; quem non movent purgandi vis, nec venenata qualitas (si quæ illi insit vel à naturâ, soli conditione, rerum viciniâ, pastu aut aliâ ratione): Vñ itaque solo aut etiam ratione immutescit.

I V.

ID quod alit, ut quod alitur, simplex non est; odoris & saporis experts esset. Nec appeti posset, nec oggeri: Mixtum itaque est, non tantum constans quatuor simplicibus corporibus variâ inter se proportionem copulatis & exactè permistis, eorumque qualitatibus primis variè refractis & retusis; verum & substantiis pluribus, ex iis genitis, consistentiâ, temperamento, colore, odore, & sapore inter se discrepantibus; ex quorum omnium unicuique à naturâ inditorum integritate, ut de ipsius bonitate dubitare nefas est; sic ex iis labefactatis aut corruptis labem aliquam aut vitium illi inustum esse, certum indubitatumque est. De esculentorum à potulentis discrimine rectè iudicare visus & tactus, & de eorum tenuitate aut crassitie, duritie aut mollitie &c: sed quæ condescere à calore aut frigore nata sunt, quæ liquari valeant, vel non, id rationis est usu firmatæ, statuere. De illorum coloribus, visus; de odoribus, olfactus; & de saporibus, gustatus, iudicium erroneum esse non potest: maxima siquidem est in sensibus circa propria objecta occupatis veritas. Color & odor qualis sit eorum substantia & temperamentum, non demonstrant, at sapor: hinc acerbæ omnia substantiæ nactæ sunt crassam & terrestrem, temperamentum frigidum siccum; salia terrenæ sunt substantiæ, calida & sicca, minus tamen quam amara; unde qui plusculum jejuniū pertulerunt, iis saliva salia; qui plurimum, amara: ab his & cæteris gustus afficitur; à solo acri, gustus & tactus. Alimentorum vires his sensibus impervias ratio sola investiget, si eas experiri non deat citrà sanitatis aut vitæ dispendium.

V.

MA NVS idèò nobis datæ sunt, ut non ad otium & desidiam, verum ad laborem à Deo conditos esse semper meminerimus. Eo tamen mediocri calor noster intenditur, & sanguis in universum corporis habitum facilis expeditaque fit anadosis; excrementa per ipsum quoquoersum diffusa attenuantur, discutiuntur, non levem alioqui noxam vitæ principiis eorumque sedibus illatura. Hæc equidem commoda, hos usus præstare non potest, quin spiritus partiumque substantia multiplex ex eo detrimentum non capiant; quod ut oppido aut quam citissimè restitueretur, eam unaquæque, quod sibi proprium est & ^{esse oportet} appetit, attrahit, nec attrahere per venas prius cessat, quam voti fiat compos. Tractio continuatæ serie ad hepar usque protenditur, (concupiscentiæ naturalis sedem) cuius est sanguinem (unicam materiam omnibus corporis partibus alendis idoneam & ad alias functiones naturæ necessariam) subministrare; quem jugiter non potest præ chyli penuriâ, quâ inanitus laborare se significat suctu suo per venas ad orificium superius ventriculi pertinente, illudque divellente. A divulsionis sensu, cibi & potionis convenientis nascitur desiderium. Is non ingeritur, nisi tactu, visu & odoratu exploratus, Vbi ingestus est an-

4

antrum sit, necne, iudicat gustus: cui si suavis videatur, erit & ventriculo, qui tanquam prudens promus condus omnibus universi corporis particulis profpicit, providetque; quoniam nihil experit, nisi quod sibi iisque ex usu esse potest, idque non modò conficit & coquit, sed & tanquam promptuarium colligit & asservat: fame verò expletâ & siti sedatâ, utrique ingratus erit: hinc est, quod, quæ desiderantibus sunt alimenta, onera fiunt plenis. Qui sanitati suæ rectè consultum cupit, sensuum iudicio non semper stabit, eorum perspicaciam eludunt lactis caprilli purgandi vis, coturnicum, pavonum, gallorum Numidiorum, anatum cortalium venenata subinde qualitas, fungorum edulium vis nonnunquam deleteria. Æquitatis itaque illorum iudicij fidem faciant ratio & experientia; hanc periculosam qui duxerit, cautior sit minùsque avidus, consueto tantùm faciliq; cibo nec per artem voluptatemque corrupto corpus suum alat ac reficiat, labori & sumptibus parceret, anxietas animi sollicitudine vacabit & ab omni noxij alimenti metu atque suspitione vindicabitur.

Ergo non est solius Gustus de alimentis ferre iudicium.

DOMINI DOCTORES DISPVTATVRI.

M. Franciscus Landrieu.
M. Antonius de Sartre.
M. Daniel Arbinet.

M. Carolus Baralis, Med. Regius.
M. Ioan. Anton. Bourgaud.
M. Germanus Hurcau.

M. Rober. Patin, Profes. Regius.
M. Franciscus Fijart.
M. Petrus de Beauvains, Scholæ
Antiquior Magister.

Proponerebat Lutetiæ CLAVDIVS PVYLLON,
Parisinus, A. R. S. H. M. DC. LXVIII.

PARISIIS,

Ex Typographiâ F. MUGUET, Regis ac Illustr. Archiepiscopi
Parisiensis Typographi, viâ Cytharæ, ad Insigne
Adorationis trium Regum.